

Galuega o Aso e Gata ai Mo e ua Maliliu



Na aoao mai e Elder John A. Widtsoe (1872–1952) o le Korama a Aposetolo e Toasefululua le mea lenei e faatatau i la tatou misiona muaifaauiina e fesoasoani e faaolaina ai atalii ma afafine o le Atua:

“I le nofoaga sa tatou i ai ae tatou te le’i o mai i le olaga nei, i le taimi o le fono tele i le lagi, sa tatou faia ai se malilie ma le Silisili ese. Na tuuina mai ai e le Alii se fuafuaga na ia fuafuaina. Sa tatou taliaina! Ona o le fuafuaga e faasino tonu mo tagata uma, o lea na avea ai i tatou ma tagata e aafia i le faaolataga o tagata uma i lalo o le fuafuaga. Na tatou malilie ai iina i le avea o i tatou e le gata o faaola mo i tatou lava, ae . . . avea fo’i ma faaola mo le aiga tagata atoa. Na tatou faia ni auala faapaaga ma le Alii. O le faatinoina o le fuafuaga ua le gata e na o le galuega a le Tama ma le Faaola, ae ua avea fo’i ma a tatou galuega. O le aupito i laitiiti o i tatou, e sili ona lotomauualalo, ua faipaaga ma le Silisiliese i le faataunuuiina o le faamoemoe o le fuafuaga faavavau (“The Worth of Souls,” *Utah Genealogical and Historical Magazine*, Oke. 1934, 189)” (i le *Mataupu Faavae ma Feagaiga ma le Talafaasolopito o le Ekalesia: Tusi Lesona o Ao-aoga Faavae o le Talalelei* [1999], 173).



Na uunaia e Elder Richard G. Scott le autalavou o le Ekalesia e fai galuega o le malumalu mo o latou lava tuua:

“Soo se galuega e te faia i le malumalu o le taimi faaaluina tataua lea, ae o le mauaina o sauniga sui mo ou lava tuua o le a sili atu ai ona paia le taimi i le malumalu ma o le a faapea ona [e] maua ai faamanuiaga sili atu. . . .

“Outou tupulaga talavou, pe tou te mananao i se auala mautinoa e tuuaititia ai faatosinaga a le fili i lou

olaga? la faatofu oe lava i le sailia o ou tuua, saunia igoa mo sauniga sui paia o loo maua i le malumalu, ona e alu atu lea i le malumalu e fai ma sui mo i latou ia maua sauniga o le papatisoga ma le meaalofo o le Agaga Paia. . . . E leai se isi puipuiga sili atu mai faatosinaga a le fili i lou olaga e mafai ona ou mafaufau i ai” (“O le Olioli i le Faaolaina o i Latou ua Maliliu,” *Ensign* po o le *Liahona*, Nov. 2012, 93–94).



Na faamatala e Elder David A. Bednar o le Korama a Aposetolo e Toasefululua le valaaulia ma le folafolaga lenei:

“Ou te valaau atu i tupulaga talavou o le Ekalesia ina ia aoao ma ia iloa le Agaga o Elia. Ou te faamalosiau atu ia te outou ia suesue, ia sailia o outou augatama, ma ia sauniuni outou lava e faia papatisoga sui i le maota o le Alii mo o outou aiga ua maliliu (tagai MF&F 124:28–36). Ma ou te uunaia outou ia fesoasoani atu i isi tagata ia iloa talafaasolopito o o latou aiga.

“A outou tali atu ma le faatuatua i lenei valaaulia, o le a liliu atu o outou loto i tamā. O folafolaga na faia ia Aperaamo, Isaako, ma lakopo o le a totoina i o outou loto. O lou faamanuiaga faapeteriaka, faatasi ai ma le tautinoga mai o lou gafa, o le a faafesootaia oe i nei tamā ma o le a ‘anoa atili ai ia te oe. O le a faateleina lou alofa ma lou lotofaafetai mo ou augatama. O le a loloto ma mausali lau molimau ma lou liua i le Faaola. Ma ou te folafola atu ia te oe o le a puipuia oe mai uunaiga faateleina a le tiapolo. A o outou auai i le faatinoga ma outou fiafia i lenei galuega paia, o le a malupuipuia outou i lo outou talavou ma i o outou olaga” (“O le a Liliu Atu Loto o Fanau i o Latou Tama,” *Ensign* po o le *Liahona*, Nov. 2011, 26–27).

